

Ról na 3 Ghníomhaireacht

Cuireann na trí ghníomhaireacht seo raon feidhmeanna ar fáil arb é is aidhm dóibh, i dteannta a chéile, seirbhís póilíneachta níos fearr a chur ar fáil do mhuintir na hÉireann.

Mar atá leagtha amach sa bhileog faisnéise seo, áfach, tá a sainchúram féin ag na trí ghníomhaireacht i dtaca leis an gcuspóir foriomlán sin a bhaint amach.

Na nithe atá i bpáirt againn

Bunaíodh na trí chomhlacht go léir faoi Acht an Gharda Síochána 2005, arna leasú, ina leagtar amach an bonn dlíthiúil le bunú agus feidhmeanna na gcomhlachtaí.

Conas a idirghníomhaímid le chéile.

Cé go bhfuil a bhfeidhm féin ag na trí chomhlacht, tá idirnasc eatarthu go pointe éigin.

Mar shampla:

- Cé go bhfuil freagracht ar GSOC as déileáil le gearáin, tá ról ag an Údarás Póilíneachta é féin a choinneáil ar an eolas go ginearálta faoi ghearáin agus faoi chur i bhfeidhm Rialacháin Araíonachta an Gharda Síochána; agus
- Níl ról cigireachta ag an Údarás Póilíneachta ach féadfaidh sé iarraidh ar an gCigireacht cigireacht nó fiosrúchán a dhéanamh ar ábhar ar bith. Tá ról ag an Údarás freisin i bhfaireachán agus i measúnú a dhéanamh ar an dóigh a bhfuil na moltaí i dtuarascálacha ó Chigireacht an Gharda Síochána á gcur chun feidhme ag an nGarda Síochána.

Déileáil le Gearáin

Déileálann Ombudsman an Gharda Síochána (GSOC) le gearáin faoi iompraíocht ball den Gharda Síochána.

Is féidir gearáin a dhéanamh ach úsáid a bhaint as an bhfoirm gearáin ar líne atá ar fáil ar www.gardaombudsman.ie.

Is féidir foirm pháipéir a iarraidh freisin ach glao a chur ar 1890 600 800.

Séanadh

Is mar eolas amháin atá an bhileog faisnéise seo. Is é an aidhm atá léi ná cur síos ginearálta a dhéanamh ar na heagraíochtaí agus, dá bhrí sin, ní dhéantar iarracht léi gach ní ábhartha a chlúdach agus ní ceart a mheas gur míniú dlíthiúil ar na forálacha reachtúla í. Rinneadh gach iarracht cruinneas na faisnéise a chinntiú ach ní féidir glacadh le freagracht ná le dliteanas, cibé slí a n-éireoidh.

Sonraí Teagmhála

Is féidir tuilleadh sonraí faoi obair na ngníomhaireachtaí sin a fháil ar a suíomh Gréasáin faoi seach. Tá sonraí faoi shuíomhanna Gréasáin agus sonraí teagmhála eile mar seo a leanas:

Cigireacht an Gharda Síochána

87 Faiche Stiabhna
Baile Átha Cliath 2
D02 K230

Teil.: +353 (1) 408 6500
R-phost: info@gsinsp.ie

Suíomh Gréasáin: www.gsinsp.ie

Coimisiún Ombudsman an Gharda Síochána (GSOC)

150 Sráid na Mainistreach Uachtarach
Baile Átha Cliath 1
D01 FT73.

Íosghlao: 1890 600 800
Teil.: +353 (1) 871 67 27

R-phost: complaints@gsoc.ie i dtaca le gearáin nó info@gsoc.ie i dtaca le hábhair eile

Suíomh Gréasáin: www.gardaombudsman.ie

An tÚdarás Póilíneachta

An 4ú hUrlár
90 Sráid an Rí Thuaidh
Baile Átha Cliath 7
D07 N7CV

Teil.: +353 1 858 9090

R-phost: info@policingauthority.ie

Suíomh Gréasáin: www.policingauthority.ie



AN TÚDARÁS PÓILÍNEACHTA
POLICING AUTHORITY

**Oibriú le chéile ar son
póilíneacht níos fearr
d'Éirinn.**



Maidir linn

Is gníomhaireacht neamhspleách a bunaíodh sa bhliain 2006 í Cigireacht an Gharda Síochána. Tá sé mar chuspóir againn a chinntiú go n-úsáidtear na hacmhainní atá ar fáil don Gharda Síochána chun na leibhéil is airde éifeachtachta agus éifeachtúlachta a bhaint amach ina oibriúchán agus ina riarachán, arna dtomhas i gcomparáid leis na caighdeáin is fearr de sheirbhísí póilíneachta inchomparáide.

An obair a dhéanaimid

Déanann an Chigireacht a cuid oibre ach cigireachtaí nó fiosrúcháin a dhéanamh ar ghnéithe ar leith d'oibriúchán agus de riarachán an Gharda Síochána. Is féidir é sin a dhéanamh mar thoradh ar:

- Iarraidh ón Aire Dlí agus Cirt agus Comhionannais;
- Iarraidh ón Údarás Póilíneachta; agus
- As stuaim an Chigire féin.

Ullmhaítear tuarascáil ar thorthaí na n-imscrúduithe nó na bhfiosrúcháin. Déantar iad, i dteannta moltaí le haghaidh beart riachtanach, a chur faoi bhráid an Aire, duine ar a bhfuil ceangal dlí gach tuarascáil a chur os comhair an dá Theach den Oireachtas.

Is é an phríomhfheidhm eile de chuid na Cigireachta ná comhairle a chur ar fáil don Aire agus don Údarás maidir leis an dea-chleachtas póilíneachta.

Tháirg an Chigireacht aon tuarascáil déag ar ghnéithe éagsúla den phóilíneacht in Éirinn ó bunaíodh í sa bhliain 2006. Is éard atá sa tuarascáil is déanaí foilsíú dar teideal *An Phóilíneacht in Éirinn a Athrú (2015)* ná athbhreithniú cuimsitheach oibriúcháin agus riaracháin ar an struchtúr, ar an eagrúchán, ar an soláthar foirne agus ar an imlonnú sa Gharda Síochána.

Is féidir tuilleadh sonraí faoi obair reatha na Cigireachta agus cóipeanna de na tuarascálacha foilsithe ón gCigireacht a fháil ar an suíomh Gréasáin www.gsinsp.ie.



Maidir linn

Is gníomhaireacht neamhspleách a bunaíodh sa bhliain 2007 é Coimisiún Ombudsman an Gharda Síochána (GSOC). Is é ár gcúram déileáil ar bhealach éifeachtúil, éifeachtach agus cothrom le hábhair lena mbaineann mí-iompraíocht fhéideartha i measc ball den Gharda Síochána. Is iad na príomhbhealaí a d'fhéadfadh sé sin teacht aníos ná mar thoradh ar ghearán a bheith déanta ag ball den phobal, mar thoradh ar theagmhas a bheith atreoraithe ón nGarda Síochána nó mar gur cosúil, ar chúis ar bith eile, go bhfuil sé le leas an phobail an t-ábhar a imscrúdú.

An obair a dhéanaimid

Is é príomhfheidhm GSOC ná déileáil le gearáin a dhéanann baill den phobal faoi iompraíocht ball den Gharda Síochána. Is ann do roinnt bealaí éagsúla a d'fhéadfaí déileáil leo, ag brath ar chineál an ghearáin a fuarthas:

- Is iad imscrúdaitheoirí de chuid GSOC a dhéanann imscrúdú ar líomhaintí go ndearna Gardaí cionta coiriúla.
- Is féidir déileáil le líomhaintí gur sáraíodh araíonacht:
 - Trí réiteach neamhfhoirmiúil arna dhéanamh ag oifigeach de chuid GSOC;
 - Trí imscrúdú araíonachta arna dhéanamh ag ceannfort de chuid an Gharda Síochána, de réir Rialacháin Araíonachta an Gharda Síochána, 2007; agus
 - Trí imscrúdú neamhchoiriúil arna dhéanamh ag imscrúdaitheoir de chuid GSOC.

Is iad seo na freagrachtaí nach mbaineann le gearáin:

- Imscrúdú a dhéanamh ar ábhair a bhaineann le hionpraíocht Gardaí i gcásanna ina bhfuil sé le leas an phobail déanamh amhlaidh, fiú mura bhfuarthas gearán;
- Scrúdú a dhéanamh ar chleachtas, ar bheartas nó ar nós imeachta ar bith de chuid an Gharda Síochána d'fhonn gearáin a chosc nó an líon gearán a laghdú;
- Imscrúduithe neamhspleácha a dhéanamh, tar éis don Gharda Síochána iad a atreorú, i gcásanna inar cosúil go bhféadfadh gur maraíodh duine nó go ndearnadh díobháil thromchúiseach do dhuine de bharr iompraíocht ball den Gharda Síochána.



AN TÚDARÁS PÓILÍNEACHTA
POLICING AUTHORITY

Maidir linn

Is gníomhaireacht neamhspleách a bunaíodh le héifeacht ón 1 Eanáir 2016 é an tÚdarás Póilíneachta. Is é ár sainchúram maoirseacht a dhéanamh ar fheidhmíocht an Gharda Síochána i dtaca le seirbhísí póilíneachta in Éirinn, feasacht an phobail ar ábhair phóilíneachta a chur chun cinn agus tacaíocht a thabhairt d'fheabhas leanúnach na póilíneachta agus é a chur chun cinn chun a chinntiú go bhfuil ár seirbhísí póilíneachta in ann sárú a dhéanamh ar na dúshláin a bhaineann le hÉirinn nua-aimseartha.

An obair a dhéanaimid

Tá raon feidhmeanna ag an Údarás. Ba é an Rialtas nó an tAire Dlí agus Cirt agus Comhionannais a chomhlíon roinnt de na feidhmeanna sin roimhe seo agus glacfaidh an tÚdarás iad sa bhliain 2016.

Airítear leo sin:

- Maoirseacht a dhéanamh ar an dóigh a gcomhlíonann an Garda Síochána a fheidhmeanna póilíneachta agus a chinntiú go n-úsáideann sé a chuid acmhainní ar bhealach a bhaineann na leibhéil is airde éifeachtúlachta agus éifeachtachta amach;
- Cód Eitice a chur i bhfeidhm chun caighdeáin iompraíochta agus chleachtais a shocrú do bhaill den Gharda Síochána;
- Ráitis Straitéise agus Pleananna Póilíneachta an Gharda Síochána a fhorhmeas agus tosaíochtaí agus leibhéil feidhmíochta a shocrú;
- Daoine a ainmniú lena gceapadh ag an Rialtas chuig post Choimisinéir an Gharda Síochána agus chuig post Leas-Choimisinéir an Gharda Síochána, tar éis próisis roghnúcháin arna ndéanamh ag an tSeirbhís um Cheapacháin Phoiblí;
- Daoine a cheapadh chuig céim an Cheannfoirt, céim an Ard-Cheannfoirt agus céim an Choimisinéara Chúnta sa Gharda Síochána;
- Daoine a bhaint de chéim an Cheannfoirt agus de chéimeanna os a cionn mar a fhoráiltear leis an dlí; agus
- Athbhreithniú a dhéanamh ar shocruithe le haghaidh baill den Gharda Síochána agus baill foirne is sibhialtaigh a earcú, a oiliúint agus a fhorbairt.

Reáchtálfad an tÚdarás cruinnithe poiblí leis an nGarda Síochána i dtaca leis na feidhmeanna sin ceithre huair sa bhliain ar a laghad.